

*BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA DOBOJ ISTOK  
OPĆINSKA SLUŽBA ZA DRUŠTVENE DJELATNOSTI,  
BORAČKO INVALIDSKU ZAŠTITU I OPĆU UPRAVU*

*Doboj Istok, 21.10.2025. godine*

*Na osnovu člana 9. Pravilnika o ostvarivanju prava na finansijska sredstva za pomoć u rješavanju stambenih potreba branilaca i članova njihovih porodica u 2025 godini broj:15/1-02-025246-25 od dana 01.09.2025. godine obavještavamo:*

## **OBAVJEŠTENJE**

***o ostvarivanju prava na finansijska sredstva za pomoć u rješavanju stambenih potreba branilaca i članova njihovih porodica u 2025. godini***

### ***I. Naziv i adresa organa kojima se zahtjevi podnose***

*OPĆINSKA SLUŽBA ZA DRUŠTVENE DJELATNOSTI, BORAČKO INVALIDSKU ZAŠTITU I OPĆU UPRAVU ( Adnana Mešić kancelarija br:7)*

### ***II. Lica koja imaju pravo na interventnu pomoć,***

*Pravo na podnošenje zahtjeva na interventnu pomoć imaju branioci i članovi njihovih porodica koji se nalaze u stanju socijalne potrebe a koji nisu u mogućnosti sami riješiti ili poboljšati uslove stanovanja kao i lica u statusu supruge umrlog ratnog invalida, supruge umrlog dobitnika ratnog priznanja i odlikovanja i supruge umrlog demobilisanog borca, kao i člana 4. Zakona o dopunskim pravima branilaca i članovima njihovih porodica („Službene novine TK“, broj: 10/20, 14/22, 9/23, 5/24 i 13/24.)*

### ***III. Ograničenje prava na interventnu pomoć***

*(1).Prava na interventnu pomoć imaju lica:*

*a) Čiji ukupi mjesečni prihodi po članu uže porodice prelaze 40% prosječne neto plate ostvarene u prethodnoj godini na području FBiH, prema podacima Zavoda za statistiku u FBiH, izuzev lica (podnosilac zahtjeva, supružnik, djeca) koje ostvaruju pravo na minimalnu PIO penziju i lica koja su u situaciji kada su stambeni objekti u kojem žive postali neuslovni za stanovanje usljed iznenadnih prirodnih i drugih elementarnih nepogoda koje su nastale višom silom (poplava, klizište, zemljotres, požar i sl.)*

b) Lica koja su vlasnik ili posjednik kuće porodične stambene zgrade ili stana koji je otkupljen po osnovu Zakona o prodaji stanova na kojima postoji stanarsko pravo ili takav stan odnosno porodičnu stambenu zgradu koji zadovoljavaju stambene potrebe, posjeduje njegov član uže porodice ili

c) Koje je koristilo stan ili kuću u svojini, koji su odgovarali potrebama stanovanja, a svojevrijedno su izgubili stanarsko pravo, odnosno svojinu na kući, teretnim ili dobrovoljnim pravnim poslom (sa ili bez naknade) ili su ih bilo kojim drugim pravnim poslom otuđili, (računajući i stambene objekte iz mjesta življenja prije rata), u periodu od 30.04.1991. godine do momenta podnošenja zahtjeva, u namjeri da steknu uslove za korištenje sredstava po ovom pozivu.

d) Koje ima u vlasništvu jedan ili više poslovnih prostora, izuzev poslovnog prostora u kojem obavlja djelatnost iz koje obezbjeđuje uslove za egzistenciju u svojoj porodici ili

e) Koji traže sredstva za radove koji se smatraju redovnim investicijskim održavanjem objekta.

(2). Pod redovnim investicionim održavanjem objekta u smislu stav 1. tačke e) ovog člana, podrazumjeva se zamjena: stolarije, podova, sanitarnih elemenata, oluka i elektro i vodovodnih instalacija u objektu.

#### **IV. Namjena interventne pomoći**

(1) Interventna pomoć je pomoć koja se može dodjeliti braniocima i članovima njihovih porodica kod kojih stambeni objekat u kojem žive na posjeduju minimalne stambene uslove stanovanja.

(2) Pod minimalnim uvjetima stanovanja, u smislu stava (1) ovog člana, smatra se opremljen prostor namijenjen za stanovanje (soba, kuhinja, kupaonica, hodnik) u kojem boravi porodica odnosno domaćinstvo, osim kada je stambeni objekat oštećen usljed iznenadnih prirodnih elementarnih nepogoda koje su nastale višom silom, (poplava, klizište, zemljotres, požar i sl.)

#### **V. Uslovi za ostvarenje prava**

(1) Uslovi za ostvarivanje prava na interventu pomoć po ovom oglasu su opći i posebni.

(2) Opći uslov za ostvarivanje prava na interventnu pomoć podrazumjeva da lice:

a) ima stalno mjesto prebivališta na području Kantona

b) rješava stambene potrebe na području Kantona i

c) ostvaruje pravo iz oblasti branilačko invalidske zaštite na području Kantona

(3) Posebni uslovi za ostvarivanje prava na interventu pomoć podrazumjevaju da:

a) se radi o stambenom objektu iz člana 4 i 5 ovog obavještenja,

b) lice koje posjeduje valjanu dokumentaciju propisanu ovim obavještenjem.



## **V. Dokumentacija neophodna za podnošenje zahtjeva**

1. zahtjev za interventu pomoć
2. kućna lista lica kako podnosioca zahtjeva sa originalnim ili ovjerenim kopijama prijave stalnog prebivališta za sve članove uže porodice (član uže porodice je : bračni partner, vanbračni partner, djeca rođena u braku i van braka, usvojena djeca i pastorčad), a za samce, uz kućnu listu dostaviti kumulativno:
  - izvod iz matične knjige rođenih i
  - izjavu o postojanju/nepostojanju vanbračne zajednice;
3. dokaz o pripadnosti boračkoj populaciji
  - uvjerenje službe o priznavanju svojstva člana šehidske porodice/obitelj poginulog branioca ili
  - uvjerenje Službe o priznavanju svojstva ratnog vojnog invalida ili
  - uvjerenje Službe da je nosilac ratnih priznanja, izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova ili
  - uvjerenje o pripadnosti Oružanim snagama izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova.
4. dokaz o ukupnim primanjima lica kao i članova uže porodice navedenih u kućnoj listi (uvjerenje poslodavca o visini posljednje plate; ček od penzije; za lica koja imaju registrovanu samostalnu djelatnost obrazac iz poreske ispostave JS3650; uvjerenje poreske uprave o postojanju dodatnih prihoda za lica za punoljetne članove uže porodice.
5. uvjerenje JU Službe za zapošljavanje za sve nezaposlene članove uže porodice, ukoliko se isiti vode na evidenciji, uvjerenje iz Ispostave porezne uprave za sve nezaposlene članove uže porodice kao dokaz o statusu nezaposlenosti.
6. uvjerenje o redovnom školovanju djece iz obrazovnih ustanova
7. dokaz da je održana ostavinska rasprava iza poginulog, umrlog ili nestalog borca;
8. izjava ovjerena u nadležnoj gradskoj/općinskoj službi ili kod notara da lice i svi članovi uže porodice nisu vlasnici niti suvlasnici drugih nekretnina (kuća/stana) na području BiH izuzev one za koju je podnešen zahtjev za interventnu pomoć
9. uvjerenje o posjedovanju/neposjedovanju kuće za punoljetne članove uže porodice (dokaz koji pribavlja služba po službenoj dužnosti u katastarskom operatu općine/grada gdje lica imaju prebivalište).
10. zapisnik nadležne gradske/općinske službe ili nadležne policijske uprave o evidenciji nepogode (poplave, klizišta, zemljotres, požar isl.)
11. dokaz o vlasništvu odnosno drugi dokazi da je lice vlasnik ili vanknjižni vlasnik stambenog objekta za stambeni objekt( ZKI, ili građevinska dozvola, ili posjedovni list ili drugi dokaz o vanknjižnom vlasništvu, neprovedeno rješenje o ostavinskom postupku ili drugi dokaz iz kojih se može utvrditi vlasništvo/vanknjižno vlasništvo) i
12. foto snimci kompletnog objekta kao i dijela koji je neuslovan za stanovanje,  
(2) lice je dužno dostaviti dokaz iz stava (1) ovog člana, original ili kod nadležnog općinskog organa ovjeren prijepis dokumenata kojima se dokazuje ispunjavanje uslova i kriterija predviđenih ovim Obavještenjem ne starije od 6 mjeseci.

**VI. Zahtjevi za interventu pomoć sa potrebnom dokumentacijom podnose se službi za društvene djelatnosti, boračko invalidsku zaštitu i opću upravu općine Doboj Istok tokom čitave godine.**

POMOĆNIK OPĆINSKOG NAČELNIKA

Admir Šišić

